



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Dn. Conradi Clingii Theologi Et Ecclesiastae Celeberrimi
(dum vixit) apud Erphordiam Turingiæ, Catechismus
Catholicus, summam Christianæ institutionis III. libris
succinctim complectens**

Klinge, Konrad

Coloniae, 1570

VD16 K 1309

De cæremonia Baptismi. tit. 69

urn:nbn:de:hbz:466:1-29452

Tertio, aqua baptismi consecrata, si ad naturalem conditionem respicitur, aqua est post, sicut & antea: si autem ad effectum, quem Deus propter inuocationem nominis sui promittit, tunc melior est, sanctior & efficacior. Et sic dicitur Ezech 36. Effundam super vos aquam mundam &c. non dicit simpliciter aquam, sed addit, mundam. Et 1 ad Tim 4. Apostolus dicit, q̄ creatura sanctificatur verbo & oratione. Est quidem omnis creatura Dei bona, id est, à natura, sanctificatur autem ne diabolus per illam noceat.

Quarto, Deus vult in omnibus creaturis laudari & benedici, sicut præcipit Dauid Psalm. 150. Laudate Deū in virtutibus eius, quas scilicet operatur in omnibus creaturis, laudate eū &c. Omnis enim creatura benedicit Deum, id est, obedit & facit ea, quæ Deus vult fieri per ipsam. Et nos magnificare debemus Deum, qui varijs modis & per varia media in nobis operatur salutē & sanitatem corporis & animæ, Non curandi sunt mendaces, qui nihil dicere possunt, nisi solus, sola, solum. Aut qui mentiuntur, dicentes: Quoniam remissionem peccatorum & salutē tribuamus creaturis, Deus est, q̄ operatur omnia, i. ipse solus facit omnia in omnib. creaturis, 1. Cor. 12. sanat solo verbo, aliquando sanat per medium, ipse sit benedictus.

DE CAEREMONIA BAPTISMI.

TITVLVS LXIX.

TRI A sunt notanda: Primò, quid sunt ceremoniæ: Secundò, quare institutæ: Tertio, qui sunt fructus.

Primò, ceremoniæ sunt opera & exteriorius, qui obseruatur & spectant ad honorē interni operis Dei, ut baptismus est opus Dei, in quo inuisibiliter ipse operatur remissionē peccatorū: huic operi

o o 2 diuino

diuino ad honorem & decorem, vtimur luminibus, chrismate, signaculo crucis, veste alba, consecratione aquæ, &c. sic enim docet Propheta Psal. 146. Deum nostrum decet iocunda decoraq; laudatio. Et 1. Cor. 14. Omnia in vobis fiant ordine. Est igitur ille exterius cultus propter interiorum.

Secundò, cæremoniæ nō sunt institutæ, vt illæ iustificent. Non enim lumen, chrisma, signaculum crucis, sputum &c. remittunt peccata, sicut nec aqua baptismi, sed virtus diuina per hæc tāquam media operatur, quam operationem fides nostra apprehendit per hæc media. Non enim solūm respicere oportet in lumen, oleum, aquam, crucem, sputum, sicut sectæ faciunt: nemo hīc ligat ad creaturas salutem, sed ad internam virtutem & dona DE I, quæ inuisibiliter per hæc media operatur. Non oleum aut chrisma saluat, sed significat misericordiam Dei, quæ lenis est. Non aqua baptismi tollit peccatum, sed significat Deum lauare & mundare à peccatis, sicut aqua sordes: non ipsum signum crucis, sed qui pependit in cruce, saluat: non candida vestis purgat, sed significat te iam per Christi sanguinem lotum. Psalm. 50. lauabis me, &c. non lumen te saluat, sed significat Christum qui illuminat omnem hominē &c. Ioan. 1. non aqua consecrata, sed ipsa virtus verbi Dei, &c. ad significandam in cæremonijs respicere oportet, nō ipsum opus cæremoniæ. Ad honorem igitur operis diuini sunt cæremoniæ &c. Sic oratio habet suas cæremonijs, sic ieiunium, sic adoratio Dei, Exod. 20.

At dices: ad quid hæc puerilia opus sunt? sunt traditiones humanæ periculosæ: consecrationes, incantationes: idē Deus nō vult talem vsum cæremoniæ, &c. Respondeo, ad quid opus fuit aquis amarissimis immitti lignū, Exo. 15? Ad quid iecur piscis opus fuit ad visum, Tob. 5? ad quid tactus fimbrię mulieri, Mat. 9? lutum quod fecit Christus in illuminatione cæci, Ioan.

Ioan. 9? Clamore in resurrectione Lazari, Ioan. 11? & sufflatio in faciem Apostolorum? Nonne sola fides hæc omnia potuisset perpetrâsse? Ad quid Apostoli oleo vagebant infirmos, Marc. 6? & quoniam patres, propheta, Christus, Apostoli, sunt vsi cæremonijs, quare nobis est nobis peccatum?

Tertiò, fructus cæremoniarum sunt primò, quòd infirmi & pueri trahuntur ad fidem Christi, sicut stella traxit reges ad præsepe Christi, Matt. 2. & sicut columna nubis & statua ignis ostendit & traxit filios Israel in terram sanctam, Exod. 13. sic ascensionem Christi, resurrectionem, missionem spiritus sancti ostendimus pueris: deindè non carent suis præmijs, eò quòd ad honorem Dei fiunt, 1. Cor. 3. vnusquisq; mercedem &c. Postremò, quia discernunt catholicos à sectarijs, quòd catholici sunt certi, quòd Deo placent: non sic sectæ, vt docet historia, Numer. 16. cum Dathan, Abiron, Chore, &c.

DE BAPTISMO PAR-
uulorum.

TITVLVS LXX.

Ria sunt notanda: Primo, quid sit baptismus paruulorum: Secundò, cur institutus: Tertiò, quem fructum habeat paruuli baptizati. Primò, baptismus paruulorum est gratuita redemptio à condènatione primæ generationis & ab ira Dei, in quibus nos omnes nascimur. Ephes. 2. Erasmus nos oēs natura filij iræ Secundò, cur institutus est, ex quo paruuli nõ credunt, iuxta illud Mar. vlti. Qui crediderit & baptizatus fuerit &c. Et Mat. vlt. Docete (primò) oēs gentes, sed paruuli nondum sunt capaces. Respõdeo, Hoc ex præcepto Christi factum est, qui dicit Marc. 9. sinite paruulos venire ad me: ad illos enim spectat regnum cælorum, id est, remissio peccatorum. Nam

00 3 si sunt